



Weekly Current Affairs (Tualchung)

(20th – 27th January, 2024)

1. **Zoramchhana**, Chhungte, Champhai district-in tui pump-na khâwl a siamchhuah chu sorkarlaipuia Patent Office chuan dânang taka neitu nihna a pe a, January 19 khan patent certificate tihchhuah a ni. Zoramchhana khawlsiam an ziahluhna hming chu '**Device for automatically switching water pumps motor**' tih a ni a, hmun hniamzawk atanga hmun sang zawka tui pump-naah, mihringin a vil (on/off) ngailoa amaha on/off thei a ni.
2. Mizoram sorkar chuan Mizoram Youth Commission (MYC) chairman atan **Malsawmzuala Ralte** a ruat a; amah hi Aizawl Municipal Corporation (AMC) corporator nilai a ni.
3. FOCUS Mizoram state project director Lalenzami Haolai chuan Kolasib district-a Saipum ah hmunphiah sâwngbâwlna, **Broom Processing Unit (Warehouse)** sak thar a hawng. Warehouse hi Saipum Broom Growers' Cooperative Society (SABCOS)-in chengnuai 25 hmanga an sak a ni.
4. Khelo India Youth Games-ah **Rebecca Lalfakawmi'n boxing inelnaah bronze medal a la. January 23** khan **57 kg (girls)** semifinal-ah Rebecca hian Madhya Pradesh boxer Khushi Singh a hmachhawn a, a vanduai zawkah a tang. Mizoram hian boxing-ah boxer pali an tir thei a, Chuhvel tleirawl Rebecca chauhin medal a hnekchhuak a, tun inelnaa Mizoram medal hmasaber a nibawk.
5. January 19-20, 2024 khan Police Headquarters-ah **DGP Anil Shukla** hoin Annual SPs Crime Review Conference neih a nia, Additional DGP, IGP, DIG leh AIG te, district leh police unit hang hrang SP te, Mizoram Armed Police (MAP) leh India Reserve (IR) battalion-a commandant-te an tel.
6. Legislative Assembly speaker **Lalbiakzama** chuan January 19, 2023 khan National Disaster Management Authority (NDMA) member **Krishna S Vatsa** a pisaah a kâwm a; National Earthquake Risk Mitigation Project, Forest Fire Management Programme leh State Disaster Management Fund atangin sum pek a inhuamthu a lo hrih.
7. Aizawl District Court-a Special Court (**Prevention of Corruption Act**) chuan Lai Autonomous District Council (LAC)-a chief executive member nilai **V.Zirsanga** chu sorkar sum eiruk vangin kum li chhung tang tur leh Rs 4,00,000 chawiturin a hrem a; mi dang 33 a hrem bawk.

Special Court (PC Act) judge Dr HTC Lalrinchhana sentence order-a a landanin, V.Zirsanga hi LADC executive member i/c Education (Middle School) a nihlaia sum tihchingpen avangin **IPC Section 120B leh 420 IPC leh, PC Act Section 13 (1) (d)/13(2)** tlawhchhanin kum li chhung lung-in atáng tur leh Rs 4,00,000 chawitura hrem a nia; pawisa a chawiloh chuan kumhnh dang a tàn belh ang.

Mi 30-te hi **IPC Section 420 (r/w IPC 471)** hmangin thiamloh chantir nimah se, tángtura tih an nitawh lo a; an lo tàn tawhzat chu Court-in a tâwkah a ngai.

8. Chief minister Lalduhoma chuan Aizawl Municipal Corporation-in Industrial Growth Centre, Luangmuala **Plastic Waste Management Centre** (plastic lam chi bawlhhlawh sawngbâwlina) a siam mek a tlawh a, Luangmual Hmunulh Veng a tlawh bawk.
9. Maj. Dhyanchand National Stadium, New Delhi-ah National School Band Competition buatsaih a nia, **Mizo High School Pipe Band (Boys)** chu pathumna an ni.
10. Mizorama rawn tlanchia Myanmar sipaite phur haw tur Lengpui Airport a January 23 a chesual hming - **Myanmar Air Force Y-8**.
11. Aizawla Republic Day lawmnaah Governor Dr HariBabu Kambhampati-a'n police hnathawktha thlan chhuah, kum 2023 Republic Day leh Independence

Day-a puanchhuah tawhte hnenah chawimawina (award) a hlan.

- 1st MAP assistant commandant **R Vanlalduata** hnenah President's Police Medal for Distinguished Service hlan a ni.
- **DIG Lalhuliana Fanai**, Security deputy SP H Lalduata leh 2nd MAP inspector **R Lalrumliana** te henah Police Medal for Meritorious Service hlan a ni.

Republic Day 2024-ah hian President's Police Medal for Distinguished Service dawngturin Mizoram sorkara secretary C Lalzahngoa, MPS chu thlan a ni tih puan a nia; Police Medal for Meritorious Service dawngturin Aizawl **SP Rex Zarzoliana Vanchhawng**, inspector **Zokunga Hauzel** leh **sub-inspector CD Lalhmingmawii** te thlan an nih thu puan a nibawk.